

COMISIÓN INFORMATIVA ESPECIAL DE CONTAS E DE FACENDA E ECONOMÍA

ACTA da mencionada comisión informativa, correspondente ao día **20 de outubro de 2021**

Ás 17.30 horas do día 20 de outubro de 2021, reúnese a comisión informativa Especial de Contas e de Facenda e Economía, no salón de Plenos da Deputación Provincial, coa asistencia dos seguintes deputados e deputadas:

Presidente: D. Rosendo Luís Fernández Fernández

Deputados/as do Grupo Popular:

D. Plácido Álvarez Dobaño

D. Álvaro José Fernández López

D.^a Consuelo Vispo Seara

D. Miguel Antonio Cid Álvarez

Deputados/as do Grupo Socialista:

D. Aurentino Alonso Araújo

D.^a Elvira Lama Fernández

D.^a Rosario Rodríguez Delgado

Deputado de Democracia Ourensana: D. Armando Ojea Bouzo

Deputado do BNG: D. Bernardo Varela López

Deputada non adscrita: D.^a Montserrat Lama Nóvoa.

Deputado non adscrito: D. José Miguel Caride Domínguez

Secretario: D. Juan Marquina Fuentes

Interventor: D. José Mosquera Casero

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 15 DE SETEMBRO DE 2021.-

Pola Secretaría Xeral deuse traslado do borrador da acta anterior, correspondente á ordinaria do día 15 de setembro de 2021.

Non se producen intervencións e por unanimidade a comisión adopta o seguinte o seguinte acordo:

Aprobar a acta da sesión ordinaria da Comisión Informativa Especial de Contas e de Facenda e Economía do día 15 de setembro de 2021, conforme co borrador elaborado pola Secretaría Xeral.

2º.- DACIÓN DE CONTA DO ACORDO DA XG DE FIXACIÓN DE PREZOS PÚBLICOS DE 7 PUBLICACIÓN S FEITAS DENTRO DO PLAN DE PUBLICACIÓN S DO EXERCICIO 2021

Dáse conta do acordo da Xunta de Goberno do 27 de setembro de 2021, de fixación de prezos públicos de 7 publicacións feitas dentro do Plan de publicacións do exercicio 2021.

A comisión queda informada.

3º.- DELEGACIÓN NA DEPUTACIÓN PROVINCIAL DO EXERCICIO DAS COMPETENCIAS DE RECADACIÓN EN VÍA EXECUTIVA DA TAXA POLO ABASTECIMENTO DE AUGA DO CONCELLO DE CARBALLEDA DE VALDEORRAS (NÚCLEOS DE SOBRADELO E A MEDUA)

O Sr. secretario explica o contido da proposta.

Non se producen intervencións e co voto favorable do Grupo Popular (5), de DO (1) e da/do deputada/o non adscritos (2) e a abstención do Grupo Socialista (3) e do BNG (1), a comisión ditamina favorablemente a adopción, por parte do Pleno, do seguinte acordo:

Aceptar a delegación de competencias efectuada polo Concello de Carballada de Valdeorras a favor da Deputación Provincial, mediante acordo plenario de data 26 de agosto de 2021, para a recadación executiva da taxa polo abastecemento de auga (núcleos de Sobrado e A Medua na actualidade) nas condicións recollidas no acordo de delegación do Concello de Carballada de Valdeorras, sendo en todo caso de aplicación as seguintes condicións xerais:

- a) O contido da delegación abranguerá o exercicio de todas as facultades necesarias para a realización da recadación en vía executiva, ditando todos os actos administrativos necesarios para a xestión dos ditos procedementos, incluída a emisión da providencia de constrinximento e resolución dos recursos administrativos contra os actos de recadación executiva.

- b) Para o exercicio da competencia delegada o concello debería remitir as oportunas certificacións de descuberto do tributo ao que se refire.
- c) A taxa para satisfacer polo concello pola prestación do servizo de recadación en período executivo será o 100% da recarga de constrinximento que debe pagar o debedor tributario conforme co establecido no artigo 6, apartado b) da Ordenanza fiscal reguladora da taxa pola prestación dos servizos de xestión, inspección e recadación da Deputación Provincial de Ourense. A Deputación deducirá da transferencia do importe recadado a cantidade correspondente á taxa liquidada, sen prexuízo da notificación da dita liquidación na forma prevista no artigo 9 da Ordenanza fiscal.
- d) A presente delegación estará vixente a partir do día seguinte ao da súa publicación no Boletín Oficial da Provincia durante un prazo de catro anos, prorrogándose tacitamente por períodos de 4 anos se ningunha das partes mostra expresamente a súa vontade en contra, comunicándollo á outra cunha antelación non inferior a 6 meses á data sinalada ou á de calquera dos períodos de prórroga.

4º.- MODIFICACIÓN DA VIXENTE ORDENANZA FISCAL REGULADORA DAS TAXAS DO SERVIZO INTERMUNICIPAL DELEGADO DE RECOLLIDA, TRATAMENTO E ELIMINACIÓN DE RESIDUOS SÓLIDOS URBANOS E DOS PUNTOS LIMPOS DA PROVINCIA DE OURENSE, NO REFERENTE ÁS TARIFAS DOS ANEXOS I E II

O Sr. secretario explica o contido da proposta.

D.^a Elvira Lama Fernández, do Grupo Socialista, indica que da proposta se interpreta que os anexos de tarifas só afectan aos 38 concellos incluídos no ámbito de aplicación da ordenanza provincial.

O **presidente da comisión** contesta que efectivamente é así.

Non se producen máis intervencións e co voto favorable do Grupo Popular (5), de DO (1) e da/o deputada/a non adscritos (2) e a abstención do Grupo Socialista (3) e do BNG (1), a comisión ditamina favorablemente a adopción, por parte do Pleno, do seguinte acordo:

1º.- Aprobar inicialmente a modificación dos anexos I e II da vixente Ordenanza fiscal reguladora das taxas do servizo intermunicipal delegado de recollida, tratamento e eliminación de residuos sólidos urbanos e dos puntos limpos da provincia de Ourense (BOP 21/12/2020), co seguinte contido:

Anexo I

TARIFAS XERAIS DE VIVENDAS	
EPÍGRAFES	TARIFA
<i>Vivendas</i>	
Vivendas RURAIS (1-3 veces/semana)	56,81 €
Vivendas URBANAS (4-6 veces/semana)	71,01 €
TARIFAS DE ACTIVIDADES ECONÓMICAS	
EPÍGRAFES	TARIFA
Hoteis, hostais, pensións, casas de hospedes, por cada 5 habitacións ou fracción	56,81 €
Cámpings, por cada tres parcelas de tenda o roulotte (carabana ou autocarabana), ou bungaló	56,81 €
<i>Restaurantes e similares</i>	
Restaurantes ata 100 m ²	170,43 €
Restaurantes de 100- 350 m ²	284,06 €
Restaurantes de mais de 350 m ²	568,11 €
<i>Bares, cafeterías e similares</i>	
Bares, cafeterías e similares	170,43 €
Peñas culturais, asociacións e entidades sen ánimo de lucro	56,81 €
Salas de festas, discotecas, pubs, bingos, e bares con música	
Salas de festas e/ou celebracións e discotecas	568,11 €
Pubs e bares con música e similares	284,06 €
Bingos	170,43 €
<i>Negocios de alimentación</i>	
Tendas e autoservizos de alimentación de 0 a 100 m ²	170,43 €
Supermercados e aautoservizos de alimentación de 100 a 350 m ²	397,68 €
Hipermercados e autoservizos de alimentación de más de 350 m ²	852,17 €
Carnicerías e pescaderías	170,43 €
Fruterías	227,24 €
Confeiterías, panaderías (hornos e despachos de pan)	170,43 €
<i>Outros Negocios de</i>	
Venda ó por menor e detalle de productos non perecedeiros de 0-100 m ²	170,43 €
Venda ó por menor e detalle de productos non perecedeiros de 100-350 m ²	340,87 €
Venda ó por menor e detalle de productos non perecedeiros de máis de 350 m ²	568,11 €
Almacéns, depósitos e venda ó por maior de 0-200 m ²	170,43 €
Almacéns, depósitos e venda ó por maior de 200-450 m ²	340,87 €
Almacenes, depósitos e venta al por maior de más de 450 m ²	568,11 €

TARIFAS DE ACTIVIDADES ECONÓMICAS		TARIFA
EPÍGRAFES		
<i>Servizos</i>		
Ambulatorios e centros de atención médica, sen camas de hospitalización		454,49 €
Centros de atención médica, con camas de hospitalización, por cada cinco camas ou fracción		113,62 €
Centros de atención psiquiátrica con talleres e instalacións de actividades complementarias		4.828,95 €
Centros penitenciarios, por cada interno		85,22 €
Cemiterios e Igrexas e templos con cemiterios		85,22 €
Cines e teatros		113,62 €
Bancos e caixas de aforros		284,06 €
Academias privadas		170,43 €
Centros docentes sen servizo de comedor		284,06 €
Centros docentes con servizo de comedor		568,11 €
Centros docentes con servizo de comedor e internado (por cada dúas prazas ou fracción)		56,81 €
Residencias de anciáns e xeriátricos (por cada dúas prazas ou fracción)		85,22 €
Centros de día, de ata 500 m2 totais		227,24 €
Centros de día de 500 ou máis m2		397,68 €
Instalacións deportivas (excluído o servizo de bar ou cafeterías)		170,43 €
<i>Oficinas, despachos e servizos profesionais</i>		
En locais de 0-100 m ²		56,81 €
En locais de 100-200 m ²		170,43 €
En locais de 200-300 m ²		284,06 €
En locais de máis de 350 m ²		397,68 €
<i>Estacions de servizo</i>		
Gasolineira sen tenda comercial		170,43 €
Gasolineira con tenda comercial		227,24 €
Garaxes públicos (sen lavado e engraxe), por cada 25 prazas ou fracción		56,81 €
Talleres mecánicos e chapisterías ata 100 m2		170,43 €
Talleres mecánicos e chapisterías de 100-200 m2		284,06 €
Talleres mecánicos e chapisterías de mais de 200 m2		397,68 €

TARIFAS ESPECIAIS		TARIFA
EPÍGRAFES		
<i>Pequenos núcleos rurais</i>		
Tascas e pequenos negocios de venda ó por menor en núcleos de menos de 200 habitantes		56,81 €
<i>producción de lixo que excede a relación de equivalencia, ou sitas en solo urbano industrial:</i>		
Sen materia orgánica	1er contenedor (800 l)	227,24 €
	2ª contenedor e sucesivos, por cada un de menos de 800 l	113,62 €
	2ª contenedor e sucesivos, por cada un de 800 l	170,43 €
	2ª contenedor sucesivos, por cada un de máis de 800 l	284,06 €
Con materia orgánica	1er contenedor (800 l)	568,11 €
	2ª contenedor e sucesivos, por cada un de menos de 800 l	284,06 €
	2ª contenedor e sucesivos, por cada un de 800 l	454,49 €
	2ª contenedor sucesivos, por cada un de máis de 800 l	568,11 €

Anexo II

Entregas en Puntos Limpos (para non abonados)		TARIFA
EPÍGRAFES		
	Ud. de colchóns	6,13 €
	Kg de Voluminosos	0,225 €
	Kg de RAEES sen clasificar non reciclables	0,225 €

2º) Someter o presente expediente e o acordo de aprobación inicial ao trámite de información pública, por un prazo de trinta (30) días hábiles, mediante a inserción de anuncios no BOP de Ourense, na sede electrónica da Deputación en nun dos xornais de maior difusión da provincia, de conformidade co previsto no artigo 17 do Texto refundido da Lei reguladora das facendas locais. Durante o dito prazo, as persoas interesadas poderán formular as reclamacións que consideren oportunas, as cales deberán ser resoltas polo pleno da Corporación Provincial, a través de acordo de aprobación definitiva. No caso de que non se formulasen reclamacións en prazo, o acordo de aprobación inicial elevarase a definitivo, sen necesidade de acordo plenario expreso.

5º.- EXPEDIENTE DE MODIFICACIÓN DAS BASES DE EXECUCIÓN DO ORZAMENTO DA DEPUTACIÓN PROVINCIAL DE OURENSE PARA O EXERCICIO 2021, N.º 9/2021

O Sr. interventor explica o contido da proposta.

Non se producen intervencións e co voto favorable do Grupo Popular (5), de DO (1) e da deputada non adscrita, e a abstención do Grupo Socialista (3), do BNG (1) e do deputado non adscrito, a comisión ditamina favorablemente a adopción, por parte do Pleno, do seguinte acordo:

1º.- Aprobar inicialmente o expediente n.º 9/2021 de modificación das bases de execución do orzamento xeral da Deputación Provincial de Ourense para o exercicio 2021, no que se refire á seguinte variación que non afectan cuantitativamente ao orzamento xeral do exercicio 2021, co seguinte detalle:

Con cargo á aplicación orzamentaria 450.12/762.01 “Cooperación provincial. A Concellos subvencións”, no expediente de modificación de créditos n.º 3/2021 dos orzamentos da Deputación Provincial de Ourense para o exercicio 2021, aparece unha subvención nominativa ao Concello de Lobios para “Local social Esperanzo”, por importe de 40.000,00 euros.

Con base na solicitude presentada polo Concello de Lobios en data 4 de agosto de 2021, e entrada no rexistro electrónico da Deputación o mesmo día, na que se comunica que se proceda ao cambio de localización da obra n.º 58/16/2021, quedando así a finalidade da subvención do seguinte xeito “Local social en Lobios”.

450.12/762.01 “Cooperación provincial. A Concellos subvencións”

Beneficiario	Finalidade	Importe €
Concello de Lobios	Local social en Lobios	40.000,00 €

2º.- De acordo co artigo 169, 170 e 171 da Lei reguladora das facendas locais, o expediente será exposto ao público, tras o anuncio no Boletín Oficial da Provincia, por 15 días, durante os cales os interesados poderán examinalo e presentar reclamacións ante o Pleno.

O expediente considerarase definitivamente aprobado se durante o citado prazo non se presentasen reclamacións.

6º.- MOCIÓN DE URXENCIA.- Neste punto toma a palabra o Sr. interventor para indicar que aínda que non se ditamine nesta comisión se incluírá na orde do día do Pleno, para a súa ratificación, un expediente de transferencias de crédito por importe de 117.500 euros, para o aboamento de xuros por depósitos en contas bancarias.

7º.- ROGOS E PREGUNTAS.- Nesta quenda prodúcense as seguintes intervencións:

D. Bernardo Varela López, do BNG, unha vez vista a indicación do interventor, realiza o rogo de que a Deputación axilice ao máximo o pago aos concellos, para así evitar que se teñan que pagar tantos xuros por acumulación de fondos.

D. Plácido Álvarez Dobaño, do Grupo Popular, lembra que a ordenanza de subvencións da Deputación permítelles aos concellos solicitar anticipos de ata o 100% de todas as subvencións, unha vez concedidas.

E, ás 17.45 horas, dáse por finalizada a reunión, redactándose a presente acta que se asinará electronicamente. Dou fe.

